

ազգեցութեամբ Արմաւ հաւուն պատճառովը շատեր եկած էին Երուսաղէմ, վասնզի երբայեցի վարդապետներէն ոմանք ըսած էին թէ Նոյէն մինչև Պենտեկոստէի սուրբ օրը ԳՌ և Շ (= 3500) տարի էր. և Արմաւ հաւը(*) վեց անգամ գալով բազմած է Սիոնի բլուրին վրայ. և ան այսօր Վերնատուն կը կոչուի և անոր գեղեցկութեան համբաւը կը լսուէր ընդհանուր տիեզերքի մէջ, այդ պատճառով թագաւորներու հրամանաւ բոլոր ազգերը զայն տեսնելու եկած էին, ինչպէս Պարթեւներ, Մարեր, Իլամացիք և ուրիշներ: Ուստի նոյն տարին «է երրորդ հինգ ձիցն հաւուն տեղը եկաւ ամենասուրբ հոգին Աստուած», որ եօթնարփեան շնորհօք լեցուց բոլոր տիեզերքը և հոն արժանի եղան Սուրբ Հոգիին տեսութեան» (Ձեռ. Թ. 464):

զ) Առաջերոց լեզուախօսութիւնը. — Առաքեալները երբ Հոգեգալստեան օրը նստած էին Վերնատան մէջ, Ս. Հոգիին ազգեցութեամբ ընդունեցին լեզուախօսութեան շնորհը: Կամբրոնացին իր «Ներքողեան ասացեալ ի հրաշափառ Գարուս Հոգւոյն Մրբոյ» ճառին մէջ (էջ 300 - 301) կը յիշատակէ Առաքելոց լեզուախօսութիւնը հետեեալ կերպով. «Զի որք երէկ եւ այսօր արք Գալիլիացիք գռեհիկք և շինականք՝ ահա ասեն՝ իբրև զիմաստուն հելլենացիս ճարտարբանեն. և այլք

(*) Արմաւ հաւը փիւնիկ հաւն է: Անոր աւանդութեան մասին Տօնականին եւ Մխիթար Գօցի առակներուն մէջ (էջ 123) կը կարդանք հետեւեալը. «Ժժա, Արմաւ նոյն է ի ծախել եւ ի ծնանի: Նշանակ է Տեառն, զի նոյն է նախ քան զարշարանս, եւ զկնի շարշարանաց, նմանապէս եւ յարութեան մեր, զի նովին մարմնով յառնեմք՝ որով եւ մեռանիմք, նա եւ նւմարութիւն մի է ի սկզբան եւ կատարածին»: